



Direktoratet for mineralforvaltning
med Bergmesteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 18.11.2015
Vår ref: 14/00657-9
Deres ref:

Høring av søknad frå Røyseth Maskin AS om driftskonsesjon for Halbrentslia / Reset i Førde kommune

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 40 50
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressursar (minerallova) frå Røyseth Maskin AS, org.nr. 911 715 732 (tidl. Førde Granitt AS), datert 6. mars 2013.

Søknaden med vedlegg er tilgjengeleg på DMFs heimeside: <http://www.dirmin.no/> under "Saker til høring". Høyringsinstansane kan få tilsendt papirutgåve av søknaden ved førespurnad.

Høyringsfristen er **søndag 20. desember 2015**.

Søknaden

Halbrentslia / Reset er lokalisert på gnr./bnr. 62/890 og 62/938, ved E 39, cirka 3 km sør for Førde sentrum. Området som det søkaste om driftskonsesjon for har eit areal på 120 daa. Anslått totalvolum for uttaket er 2 500 000 m³ masse. Forventa årleg uttak er 40 000 m³. Det årlege uttaket vil variere med etterspurnaden. Søker informerer at førekomsten består av granittisk gneis, og har vore nytta til grovare murarbeid. I dag vert mesteparten av utteken masse arbeide med på staden, for å brukast til murbygging og forblending. Massar som ikkje er eigna for dette, nyttast enten direkte som fyllmasse, eller knusast ned til pukk og grus.

Området er i reguleringsplan med planid 20070001 vedtatt 22.11.2007 regulert til masseuttak og masseuttak/industri/kontor.

DMFs behandling av søknaden

Formålet med minerallova er å fremme og sikre samfunnsmessig forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomst på meir enn 10 000 m³ masse og for alle uttak av naturstein.

DMF sender søknadene, inkludert driftsplanar, på høring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende



rettshavarar, eigarar, drivarar og bebuarar og andre kjende rettshavarar på naboeigedommar som kan bli påverka, i tillegg til kommunen (kommunane), fylkeskommunen og statlege forvaltningsorgan.

Søkjaren får høve til å kommentere innkomne høyringsfråsegnar før DMF gjer vedtak.

Innkomne konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. Ved vurderinga av om vi skal gi driftskonsesjon, skal vi òg leggje vekt på

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnet for samisk kultur, næringsliv og samfunnsliv
- kva innverknad tiltaket vil ha på omgivnadene og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

DMF gjer merksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsesjon etter anna lovgiving. Det er søkjaren som har ansvaret for å innhente slike løyve.

Nærmare om høyringsfråsegnene

Vi oppfordrar høyringsinstansane til å komme med grunngitte synspunkt på om DMF bør gi konsesjon eller ikkje, under dette komme med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte. Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Generelle kommentarar knytte til arealbruk i området skal ikkje vurderast ved ein søknad om driftskonsesjon. Dette er sikra gjennom plan- og bygningslova. Synspunkt knytte til kommunens allereie vedtekne arealdisponering (arealplan, reguleringsplan og eventuell dispensasjon frå reguleringsplan) vil vi derfor ikkje leggje særleg vekt på ved vurderinga.

Vi ber kommunen spesielt informere oss snarast mogleg om det finst særleg påverka partar som ikkje står på adresselista. I tillegg ber vi kommunen, som planmyndighet, å informere oss dersom det er kjente naturverdiar i området som vert påverka av uttaket, og som ikkje er handsama i reguleringsplanen.

Fylkesmannen bes spesielt vurdere om eventuell forureiningsproblematikk som kan være viktig for å belyse saken.



Fylkeskommunen bes spesielt opplyse om det ligg føre kjente kulturminner som kan bli råka av uttaket.

Innsending av høyringsfråsegner

Vi ber om at høyringsfråsegna blir send innan fristen **søndag 20. desember 2015**, på e-post til **mail@dirmin.no** eller ordinær post til: **Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.**

Delar av høyringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

Vennleg helsing

Ingeborg Solberg
seniorrådgivar

Marit Ollestad
saksbehandlar

Dokumentet er elektronisk signert og har derfor ikkje handskrivne signaturar.
Saksbehandlar: Marit Ollestad

Mottakere:

Førde kommune	Postboks 338	6802 FØRDE
Sogn og Fjordane fylkeskommune	Fylkeshuset, Askedalen 2	6863 LEIKANGER
Fylkesmannen i Sogn og Fjordane	Njøsav. 2	6863 LEIKANGER
Statens vegvesen Region vest	Askedalen 4	6863 LEIKANGER
Statens vegvesen Vegdirektoratet	Postboks 8142 Dep	0033 OSLO
Andreas Bruland	Furebø	6811 FØRDE
Førde Granitt Eigedom AS	Postboks 806	6814 FØRDE
Direktoratet for samfunnssikkerhet og beredskap	Postboks 2014	3103 TØNSBERG

Kopi til:

Røyseth Maskin AS	Jobakkevegen 44	6817 NAUSTDAL
-------------------	-----------------	---------------